



DEO OPTIMO MAX.  
UNI ET TRINO,

VIRGINI DEI-PARÆ, ET S. LUCÆ  
Orthodoxorum Medicorum Patrono.

QUÆSTIO CHIRURGICA\*,

QUOD LIBETARIIS DISPUTATIONIBUS,  
*manè discutienda in Scholis Medicorum, die Martis decimâ-sexâ  
mensis Martii, Anno Domini M. DCC. LXII.*

M. CAROLO-FRANCISCO BOUTIGNY DESPRÉAUX,  
Doctore Medico, Præfide.

*Nūm bubones critici in febribus malignis statim incidendi?*

I.



IASMATA vitiosa, vel in corpore nata, vel extrinsecus  
suscepta, & intrâ circulationis vias abrepta, febribus humoralibus  
originem præbent. Hæ eò periculosiores, quò illa diffi-  
ciliùs, aut naturalibus humorum moleculis assimilari, aut per  
varia colatoria foràs amandari queunt. Idcirco febris ma-  
ligna tragœdias inferre solet. Etenim sævissimi morbi causa  
est materia (a) multum sed inæqualiter spissa, particulas diversæ generis nimi-

\* Auctore M. CLERIALDO VACHIER, 1756.

(a) D. Fi-  
zes, Tract. Fe-  
brium, cap. de  
Febre malignâ.

rum alias acceſcentes, alias acres, alias acerrimas ac velut venenatas in ſine ſuo gerens. Hinc oriuntur ſymptomata eò graviora, quò alia aliis contraria medelas oppoſitas exigant. Quantùmvis numeroſa ſint & atrocia febris malignæ ſymptomata, quantùmvis compoſita ſit illius cauſa, quotieſcumque varias indicationes adimplere licet, & infarctus viſcerum inflammatorius venæ-ſectionibus ac demulcentibus ità cautè expugnatur, ut attendatur ne fibrarum tonus in eo morbo multùm debilitatus omnino frangatur, & fluidorum ſpiſſitudo cardiacis emendatur, & pravorum ſuccorum in primis viis nidulantium emeticis ac catharticis evacuatio promovetur, ſed eà cautelâ quâ præcaveatur, ne materiæ morbide molecule acres excandefcant; totiès morbi ſavitiem proſtigat ars apollinaris. Interdùm ex medentibus non tantùm requiritur opus, ſcilicet quandò viſcera vel remediis adjuta, vel ex ſe ità robuſta ut ad partes externas febrilem cauſam ablegent: tunc glandulæ, ut potè quæ debiliori textu donatæ infarciuntur, inflammantur; hinc bubones, qui ideò critici nominantur, quia iis obortis febris malignæ ſymptomata remittuntur. Verùm licèt morbi cauſa in parte ignobili velut incuneata videatur, haud contemnenda. Etiam-nùm ex meſtaſi in procinctu ſunt maxima mala, quæ ut avertantur, eò dirigenda eſt. Medici cura, ut teterrima labes è corpore citò citiùs educatur. Idcirco ſi nulla opera hunc finem maturiùs aſſequatur, quàm bubonis incifio, hæc ſtatim celebranda.

## II.

**B**UBONUM curationem duobus modis aggredi ſolemne eſt, nempe pè reſolutione & ſuppuratione. Priorem medelam ſuſcipiunt bubones eſſentialis; ii enim licèt producantur aut à cohibita ſecretione aut ab icu, modò venæ-ſectionibus è glandulis revellatur ſanguis, ac reſolventibus topicis humores concreti attenuentur, & reſocilletur vaſorum tonus; fluida priùs ſtagnantia vel per cutis poros avolant, vel emendata & aſſimilata ſanguinis vias abſque noxâ iterùm ſubeunt. Nec infelicitè reſolvuntur bubones ſymptomatici, ſic hydrargioſi ritè adminiſtratà haud infrequenter diſcutiuntur bubones veneri; imò cùm huic ceſſerunt, luem ſyphiliticam radicitùs fuiſſe extinctam pro certò habetur. Et ipſi bubones peſtilentes qui, non ſecùs ac alia diriffima ſymptomata concomitantia, ſoboleſcunt ab inſigni corruptelâ ſanguinis in ſua craſi perversi, à remediis ſanguinis univerſam labem reſarcientibus, non neglectis topicis, quandoque reſolvuntur. At verò bubonum criticorum in febris malignis reſolutionem tentare, grande piaculum credas. Vel non fiet reſolutio, & interea conamine inani prorogabuntur ægrotantis cruciatus, vel quod peſſimum, venæ-ſectionibus revelleretur ad interiora fluidum extiriale, topicis ad viſcera repercutientur miſcata venenofa, remediis internis ab opere ſalutari amovebitur natura: hinc lypothimix, ſyncopes, comata, obſcura deliria, tendinum ſubſultus, inflammationes viſcerum gangrenodæ, mors. Verùm valentiſſimo molimine juvetur natura, quæ hoſtem inſenſiſſimum ſuperare non potis, eum removet. Ociùs è corpore eximatur materia, quæ illius ruinam machinatur. Non tutiori medelâ educetur inemendabiles ſucci in glandulâ ſavientes, quàm ipſamèt ſuppurante glandulâ. Quis ergò inſiciàs eat ſuppurationem celeſtine eſſe promovendam.

**G**LANDULÆ, cū vasculis lymphaticis pluribus inflexis potissimum consentur, paucioribus verò sanguineis intertextæ sint, lentè ad suppurationem ducuntur. Præterea in bubonibus criticis plurima suppurationi obstant. Humor maxime spissus attritioni reluctatur; glandularum vasa, prius febre malignâ debilitata, jam infarctu obruta debilius oscillant; sanguis corruptus, in anfractuosis & debilitatos glandulæ recessus conamine naturæ pulsus, intestino motu segniori donatur. Attamen unico opere suppuratorio tutò exterminari potest teterrima lues. Idcirco cū bubonum criticorum spontanea suppuratio non nisi ægerrimè peragi queat, potentissimâ arte excitanda. At non alia encheiresis efficacius & tutius metam attinget, quàm glandulæ incisio. Hæc enim operatione profundetur sanguis sordidus, qui, tanquàm febris malignæ colluvies, stagnabat. Ideo imminutis in glandulâ resistentiis, novus sanguis jam expurgatus majori copiâ appellet, vasa sectione irritata validius oscillabunt. Quæ cū ita se habeant, nemini non liquet suppurationem brevi futuram. Mox enim vasa secta in se retrahentur, & ab aliis pressa humorum effluxum negabunt; interea vasa integra, eò magis turgescencia, quò nullus per vasa secta meatus, validius oscillabunt. Hinc atterentur vasorum sectorum tunicæ unâ cum fluidis contentis, & per inflictum vulnus citò evomentur miasmata exitiosa.

## IV.

**Q**UANTI bubonum criticorum in febribus malignis valeat incisio, ex periculis ab eâ propulsatis pendatur. Periculum est, ne cordis & arteriarum vires à febre malignâ labefactatæ impares sint ad glandulæ vasorum tonum ita frangendum, ut materia morbifica in his figatur; & ideò timendum, ne ad organa præstantissima iterum venefica illuvies abigatur. Supposito quòd glandula ita liquidorum impulsui cesserit, ut lymphatica omni tono fuerint orbata, vi systalticâ in sanguiferis permanente, hæc lapsu temporis se se expedient, illa verò unâ cum contentis solidescant, indurabuntur; undè scirrhus canceri parens. Quantumvis deterrima sint ab induratione impendentia mala, ut potè quæ dissita, maximum terrorem non incutiunt. At ostia pulsant gangiæna & sphacelus; quippe cū sanguifera omnia jam turgida ita novo impulsui cedant, ut summo perè dilatata reagere nequeant; in his contenta tanquàm in cloacâ putrescant. Aut licet sanguifera systalticas vires retinuerint, mox particulæ acerrimæ ac velut venenæ omnia vasa corrodent, lacerabunt, & vasorum lacinix unâ cum fluidis extravasatis in putidam putrilaginem abibunt, Undè partis corruptio, citò totius necem illatura.

## V.

**A**SSIGNATA bubonum criticorum in febribus malignis causâ, periculis urgentibus periculis, quæ ab eorum incisione arcentur; quis dubitet hanc statim celebrandam? Huic autem operationi exequendæ se accingens Chirurgus, det operam ut *stenosis* ductus in parotidibus à sectione

sint immunes, ut axillæ vasa & nervorum trunci à sectione bubonum in axillis non lædantur, ut incisio hanc directionem obtineat, quæ cicatrici successuræ non noceat. Idcirco parotides ope scalpelli recti profundè inciduntur juxta lineam perpendicularem ab auribus ad angulum maxillæ; in glandulis axillarum & inguinum sectio sit transversa, dein scarificetur glandula, si imminens gangrenæ sit suspicio. Sectâ glandulâ, sanguine effuso, inferantur penicilli unguento basilicone, theriacâ & balsamo sulphuris therebintinato illiti. Demùm operiatur tumor iis, quæ suppurationem protrahant. Hæc encheiresi citò tutò terminabuntur bubones critici. Nobis incassum objiceres expectandam maturationem & juvandam topicis, ut dein collecto puri exitus lanceolæ ope præbeatur; cùm jamjam probaverimus suppurationem spontaneam admodum incertam esse, sed contrâ metastasim & gangrenam maximè imminere. Undè concludere licet.

*Ergo bubones critici in febribus malignis statim incidendi.*

### DOMINI DOCTORES DISPUTATURI.

<i>M. Claudius - Thomas - Guil'elmus Guilbert de Préval.</i>	<i>M. Simon-Antonius Bringaud.</i>	<i>M. Nicolaus le Roy de S. Aignan.</i>
<i>M. Jacobus Gourlez de la Motte.</i>	<i>M. Claudius-Josephus Gentil, Militarium No- socomiorum ad Regis Exercituum Medicus.</i>	<i>M. David Vasse.</i>
<i>M. Joannes-Baptista Basseville.</i>	<i>M. Edmundus - Thomas Moreau, Scholarum Professor.</i>	<i>M. Ludovicus - Claudius Bourdalin, antiquæ Facultatis Decanus, Regiæ Scientiarum Aca- demie, Regiæque So- cietatis Berolinensis So- cius, &amp; in Horto Re- gio Chymia Professor.</i>

Proponebat Parisiis COSMA-AUGUSTINUS LÉZURIER, Rothomagus,  
Saluberrimæ Facultatis Medicinæ Parisiensis Baccalaureus,  
A. R. S. H. 1762, A SEXTA AD MERIDIEM.